

Powšitkowne WOZJEWJENJA

njedźelu, 7. nowembra 2021

Wusyłaŋje Božeje mšě

Serbskorěčnu Božu mšu móža wěriwi tutu njedźelu, 7. nowembra, znowa jako live-stream w interneće scěhować. Wona přenjese so w 9 hodź. z Chróšćanskeje cyrkweje. Link na nju je pod www.posol.de a na wosadneje stronje podaty.

Modlenje w Róžeńće

Na modlersku hodžinu před wustajenym Najswjećišim su wěriwi sobotu, 13. nowembra, we 18 hodź. do Róžeńčanskeje hnadowneje cyrkweje přeprošeni. Pačerje spěwaja so serbsce a němsce.

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow na swoju hłownu zhromadźiznu srjedu, 1. decembra, do Smochćic. Započnjemy w 19.00 hodź. z Božej mšu w cyrkwi tamnišeho kubłanišća. Přizamknje so zhromadźizna.

Do a po hłownej zhromadźiznje změja člonojo składnosć, swój lětny přinošk we wysokości pjeć eurow zapłaćić. Aktualne hygieniske postajenja maja so wobkedźbować.

Móžno je, zo dyrbi so zhromadźizna pandemije dla krótkodobnje přesunyc. To budže pod www.posol.de wozjewjene.

Młodostni na nyšpor z wobrazami wo družkach

Młodžinski nyšpor z wobrazami k temje „Družki“ fotografowki Kerstin Kacmar z Berlina budže njedźelu Chrysta Krala, 21. nowembra, w Chróšćicach. Započatk je w 14.00 hodź. w cyrkwi. Po tym poskića so na farskim dworje horce napoje.

Zběraja znowa pakćiki

Towarstwo swjateje Filomeny hromadzi tež lětsa zaso hodowne pakćiki za džěci a swójby w maćerno-džěćacym domje w čěskim v Dolním Podluží kaž tež w bołharskim měsće Razgradže. Wobsah pakćikow njeje předpisany, móžne su kakaw, slódcizny, hrajki, pianske materialije a podobne. Pakćiki kaž tež počehnjena a najwšelakoriše hygieniske twory hromadza wot pónđzele do štwórtka, 22. do 25. nowembra, wšědnje wot 17 do 18 hodź. w Smjerdžečanskim kulturnym domje. Trjebanu drastu a črije pak lětsa njehromadza. Dalše informacije poda Gerat Róbl pod telefonowym čisłom (01 72) 7 94 75 22.

Palestinska křesćanka čita w Budyšinje

Na čitanje z palestinskej křesćanku Sumayu Farhat-Naser su zajimcy srjedu, 10. nowembra, w 19.30 hodź. do Budyskeho Dźiwadła na hrodže přeprošeni. Awtorka a měrowa pedagogowka čita ze swojeje knihi „Ein Leben für den Frieden“. Artur Malinowski z přečelemi tónle wječor hudźbnje wobrubu. Za zarjadowanje, kotrež wotměje so w rjedže Literarneje kofejownje Budyskeho Ekumeniskeho tachantskeho wobchoda, plaći rjadowanje 3G. Zastup je darmotny, při durjach pak budže zběrka. Zdobom wobsteji móžnosć, sej knihi kupić a je signować dać.

Putniske jězby do Medžugorja

Klětu su tři terminy putniskich jězbow do Medžugorja předwidžane, stajnje wot soboty do soboty, a to wot 2. do 9. apryla, wot 10. do 17. septembra a wot 15. do 22. oktobra. Zajimcy měli so pola Gerata Róbla w Smjerdžacej přizjewić, telefonowe čisło (03 57 96) 9 65 40.

Taizéske zetkanje

Europske młodžinske zetkanje Taizéskeje zhromadnosće wotměje so wot póndžele do njedžele, 27. decembra do 2. januara, w Turinje. Zajimcy měli so hač do póndžele, 15. nowembra, přizjewić. Link k tomu nańdu woni na stronje www.posol.de.

Wo katolicizmje w Serbach

„Model, kotryž wuběži, abo model do přichoda?“ Pod tutym nadpismom je so rozhłosowy sćelak Deutschlandfunk zašly měsac w jednym ze swojich přinoškow z katolicizmom w katolskich Serbach zaběrał. Tutón traje dźesać mjeńšin. Link na njón je pod www.posol.de podaty.

Koncert z kwartetom OPUS 4 w Budyšinje

Renoměrowany pozawnowy kwartet OPUS 4 orchestra Lipšćanskeje sukelnicy wuhotuje póndželu, 8. nowembra, w 19.30 hodź., koncert w Budyskej tachantskej cyrkwi. Nawod změje Jörg Richter, wjelelětny 1. pozawnist mjenowaneho hudźbneho ćělesa. Wobšěrny repertoire wopřija dujersku hudźbu z pječ lětstotkow. Mjez druhim zaklinča twórby Claudijsa Monteverdija a Antona Brucknera. Koncert wotměje so w rjedže „UNPLUGGED w Budyšinje“. Zarjadowar je Budyski Ekumeniski tachantski wobchod, Rotary klub Bautzen/Budyšin jón prezentuje. Zastup je darmotny. Při durjach budže zběrka.